

五代史記



五代史記卷第六

唐本紀

明宗聖德和武欽孝皇帝卅本夷狄無姓氏父
電爲鴈門部將生子邈佖烈以騎射事太祖爲
人質厚寡言執事恭謹太祖養以爲子賜名嗣
源梁攻兗鄆朱宣朱瑾來乞師太祖遣李存信
將兵三萬救之存信留莘縣不進使嗣源別以
兵三千先擊梁兵梁兵解去存信留莘縣久之
爲羅弘信所襲存信敗走嗣源獨殿而還太祖
以嗣源所將騎五百號橫衝都光化三年李嗣

昭攻梁邢洛出青山遇葛從周兵嗣昭大敗走
梁兵追之嗣源從間道後至謂嗣昭曰爲公一
戰乃解鞍礪鏃憑高爲陣左右拍畫梁追兵
望之莫測嗣源急呼曰吾取葛公士卒可無動
乃馳騎犯之出入奮擊嗣昭繼進梁兵解去嗣
源身中四矢太祖解衣賜藥以勞之由是李橫
衝名重四方梁晉相拒于柏鄉梁龍驤軍以赤
白馬爲兩陣旗幟鎧仗皆如馬色晉兵望之皆
懼莊宗舉鍾以飲嗣源曰卿望梁家赤白馬懼
乎雖吾亦怯也嗣源笑曰有其表爾翌日歸吾

廐也莊宗大喜曰卿當以氣吞之因引鐘飲醕奮
撾馳騎犯其白馬挾二裨將而還梁兵敗以功
拜代州刺史莊宗攻劉守光嗣源及李嗣昭將
兵三萬別出飛狐定山後取武媯儒三州莊宗
已平魏州因徇下磁相拜相州刺史昭德軍節
度使久之徙鎮安國契丹攻幽州莊宗遣嗣源
與閻寶等擊走之同光元年徙鎮橫海是時梁
唐相拒于河上李繼韜以潞州叛降梁莊宗有
憂色召嗣源帳中謂曰繼韜以上黨降梁而梁
方急攻澤州吾出不意襲鄆州以斷梁右臂可

乎嗣源對曰夾河之兵久矣苟非出奇則大計
不決臣請獨當之乃以步騎五千涉濟至鄆州
鄆人無備遂襲破之即拜天平軍節度使蕃漢
馬步軍副都揔管梁軍攻破德勝南柵莊宗退
保楊劉王彥章急攻鄆州莊宗悉軍救之嗣源
爲前鋒擊梁軍追至中都擒彥章及梁監軍張
漢傑彥章雖敗而段凝悉將梁兵屯河上莊宗
未知所嚮諸將多言乘勝以取青齊嗣源曰彥
章之敗凝猶未知使其聞之遲疑定計亦須三
日縱使料吾所向亟發救兵必渡黎陽數萬之

衆舟楫非一日具也此去汴州不數百里前無
險阻方陣而行信宿可至汴州已破段凝豈足
顧哉而郭崇韜亦勸莊宗入汴莊宗以爲然遣
嗣源以千騎先至汴州攻封丘門王瓚開門降
莊宗後至見嗣源大喜手攬其衣以頭觸之曰
天下與爾共之拜中書令二年莊宗祀天南郊
賜以鐵券五月破楊立于潞州六月徙鎮宣武
兼著漢內外馬步軍總管冬契丹侵漁陽嗣源
敗之于涿州三年徙鎮成德莊宗幸鄴請朝行
在不許貞簡太后疾請入省又不許太后崩請

赴山陵許之而契丹侵邊乃止十二月遂朝于

洛陽

天成元年

實同光四年而書天成元年者太赦改元文見下可知莊宗本紀自書同光四

年各從其所稱既曰改元不嫌二號也

郭崇韜朱友謙皆以讒死

嗣源以名位高亦見疑忌趙在禮反於魏大臣皆請遣嗣源討賊莊宗不許羣臣屢請莊宗不得已遣之三月壬子嗣源至魏屯御河南在禮登樓謝罪甲寅軍變嗣源入于魏與在禮合多

出止魏縣丁巳以其兵南遣石敬瑭將三百騎爲先鋒嗣源行過鉅鹿掠小坊馬二千匹以益

軍壬申入汴州四月丁亥莊宗崩己丑入洛陽

甲午監國朝羣臣于興聖宮乙未中門使安重

誨爲樞密使殺元行欽及租庸使孔謙壬寅左

驍衛大將軍孔循爲樞密使丙午始奠于西宮

曰始奠見其緩也自己丑入洛至此二十日矣皇帝即位于樞前樞前即

之礼也反逆之臣自立而用嗣君之礼書從其實而不交文者蓋先已書反正其罪矣此書其實者見其

猶有自愧之心而欲逃大惡之名也易斬縗以袞冕既用嗣君之礼矣連釋縗而服

冕故書以見其情詐壬子魏王繼岌薨諸王薨不書此書者見明宗舉兵實

反會從謙弒逆遂託赴難爲名及即位時莊宗元子猶在則其辭屈矣甲寅大赦改元

渤海國王大諲譔使大陳林來是月張居翰罷

五月丙辰朔太子賓客鄭珏工部尚書任圜爲

中書侍郎同中書門下平章事戊辰趙在禮爲

義成軍節度使

在禮始亂宜誅而明宗因之以反命以方鎮報其功也故書

六

月丁酉汴州控鶴軍亂指揮使張諫殺其權

知州事高述已亥諫伏誅秋七月庚申安重誨

殺殿直馬延于御史臺門

御史臺所以糾百官之不法殺人于臺門惡其

甚

契丹使梅老述骨來渤海使大昭佐來已

卯貶豆盧革爲辰州刺史韋說敘州刺史甲申

流革于陵州說于合州八月乙酉朔陝石縣民

高存妻一產二男子丁酉以象笏三十二賜百

官之無笏者

是時朝廷衰弱之甚故書

閱稼于冷泉宮己亥

契丹犯邊丁未平盧軍節度使霍彥威殺其登
州刺史王公儼申寅賢官張志忠爲太原少尹
九月己未幸至德宮及表建豐第冬十月丁亥
雲南山後雨林百蠻都鬼主右武衛大將軍李
卑晚使大鬼主傳能何華來辛丑契丹使沒骨
餒來告阿保機哀廢朝三日旱辛亥雨

二年春正月癸丑朔更名亶癸亥端明殿學士
兵部侍郎馮道太常卿崔協爲中書侍郎同中
書門下平章事二月壬午朔新羅使張芬來西

川節度使孟知祥殺其兵馬都監李嚴丙申赦

京師囚郭從謙為景州刺史既而殺之從謙君不討

而命以官故書與在札同罪宜誅而書殺者戊戌山

南東道節度使劉訓為南面招討使以伐荆南

是時荆南自絕於中國而附吳不足以有三月壬子

朔幸會節園羣臣宴遊幸若不過度則小事也皆不書惟莊宗及晉帝之

出則書者著其過度耳明宗於五代為勤儉之君遊幸無過度此書以著買宴見君臣之失矣盧臺

亂殺其將烏震新羅使林彥來夏四月庚寅盧

臺軍將龍暉等伏誅六月丙戌任園罷庚子幸

白司馬坡祭突厥神夷狄之事也秋七月甲子隨州

刺史西方鄴取夔忠萬州癸酉殺巨虜韋韋說

八月乙酉牂柯使宋朝化及昆明使者來九月

庚午党項使如連山來壬申契丹使梅老來冬

十月乙酉如汴州宣武軍節度使朱守殷反馬

步軍都指揮使馬彥超死之己丑守殷自殺不書

克汴州者天子自以兵討未嘗攻戰直入其城也乙

未殺太子少保致仕任圜實安重誨矯詔殺之

知而不責又下詔書誣國以罪故以明宗自殺書之辛丑德音釋繫囚是月

傳箭于霍彥威夷狄之事也十一月乙亥契丹使梅

老來十二月己丑回鶻西界吐蕃遣使者來申

辰改于東郊丙午追尊祖考爲皇帝妣爲皇后
高祖聿謚曰孝恭廟號惠祖妣劉氏謚曰孝
曾祖教謚曰孝質廟號毅祖祖妣張氏謚曰孝
毅順祖琰謚曰孝靖廟號烈祖祖妣何氏謚曰
孝靖穆考謚曰孝成廟號德祖妣劉氏謚曰孝
成懿立廟于應州三年春正月丁巳契丹陷平
州二月辛巳吐渾都督李紹厲來乙未孔循罷
戊戌回鶻使李阿山來三月丁未朔御札求直
言己未鄭珏罷癸亥成德軍節度使王建立爲
尚書右僕射同中書門下平章事西平鄴克歸

州戊辰宣徽南院使范延光爲樞密使夏四月戊寅延光罷乙酉達鞠遣使者來義武軍節度使王都反壬寅歸德軍節度使王晏球爲北面行營招討使五月契丹禿飯入于定州辛酉右衛上將軍趙敬怡爲樞密使封回鶻可汗王仁裕爲順化可汗秋七月己未殺齊州防禦使曹廷隱八月盧龍軍節度使趙德鈞執契丹首領惕隱赫邈慶州防禦使竇廷琬反冬十月靜難軍節度使李敬周討之丁巳突厥使張暮晉來十一月壬午吐渾使念九來申牛王建立罷十二

月李敬周克慶州竇廷琬伏誅辛亥辛康義
誠第

四年春正月壬辰回鶻使掣擗都督來二月癸

卯王晏球克定州

王都自焚故不書伏誅

辛酉晏球獻馘

俘趙敬怡薨丁卯崔協薨庚午至自汴州三月

丙戌殺姪從璨夏四月契丹寇雲州癸丑契丹

使撩括梅里來求禿飯殺之甲寅端明殿學士

尚書兵部侍郎趙鳳爲門下侍郎兼工部尚書

同中書門下平章事五月己巳朝羣臣賀朔

視朝而曰賀朔著非礼視朝常事自不書爾五月賀朔出於道家之說自唐以來用之書之見亂世幸非

札之不急者此札其後屢行皆不復書者與入閣同

乙酉追謚少帝曰昭宣

光烈孝皇帝契丹寇雲州秋七月壬申殺右金吾衛上將軍毛璋八月乙巳黑水使骨至來丁未吐渾首領念公山來乙卯党項折遇明來己未高麗王建使張彬來九月癸巳殺供奉官烏昭遇冬十二月辛丑殺西平縣令李商

長興元年春正月丁卯閱馬于苑辛卯宣徽南院使朱弘昭爲大內留守二月戊戌黑水兀兒遣使者來乙巳天雄軍節度使石敬瑭爲御營使癸丑朝獻于太微宮甲寅享于太廟乙卯有

事于南郊大赦改元三月庚寅立淑妃曹氏爲
皇后夏四月戊戌安重誨使河中衙內指揮使
楊彥溫逐其節度使從珂壬寅西京留守索自
通侍衛步軍指揮使藥彥稠討之辛亥自通執
彥溫殺之彥溫雖有罪有命獲而勿殺自通擅殺之故不書誅而書殺戊午羣

臣上尊號曰聖明神武文德恭孝皇帝辛酉吐

蕃首領于撥葛來五月丁丑回鶻使孽栗祖來

庚辰回鶻使安黑連來秋七月壬午訪莊宗子

孫墜所

莊宗子孫而不知墜所見明宗舉兵不順禍害所罹者可哀也於此始求之見事緩

而無恩也八月乙未忠武軍節度使張延朗爲三司

使

三司使始於此而今遂因之

壬寅殺捧聖都軍使李行德十

將張儉滅其族吐渾來附封子從榮爲秦王戊申海州將王傳極殺其刺史陳宣叛于吳來降乙卯吐渾康合畢來丙辰封子從厚爲宋王九月壬戌吐蕃使王滿儒來東川節度使董璋反甲申成德軍節度使范延光爲樞密使丁亥石敬瑭爲東川行營都招討使冬十月丁酉始藏冰甲辰驍衛上將軍致仕張筠進助軍粟乙巳董璋陷閬州殺節度使李仁矩拍揮使姚洪死之孟知祥反十一月庚申朔秦王從榮受冊謁

于太廟

冊禮廢於亂世至此始一行之故書

丙戌契丹東丹王突欲

來奔

夷狄不可以禮義責故不曰叛于契丹

十二月丁未二王後祕

書丞鄰國公楊仁矩卒廢朝一日丁巳回鶻順

化可汗王裕使程末斯來安重誨討董璋

不命將名

直以樞密使往

沙州曹義金遣使者來

二年春正月戊辰党項使折七移來庚辰達怛

使列六薛孃居來二月丁酉幸安元信第戊戌

突厥使杜阿熟吐渾使康萬琳來辛丑安重誨

罷三月趙鳳罷丁亥太常卿李愚爲中書侍郎

同中書門下平章事夏四月甲辰宣徽北院使

趙延壽爲樞密使甲寅董璋陷遂州武信軍
節度使夏魯奇死之乙卯以旱赦流罪以下囚
閏五月丁酉殺太子太師致仕安重誨及其妻
張氏子崇贊崇緒秋八月己未契丹使邪姑兒
來九月丁亥放五坊鷹隼冬十一月戊申吐蕃

遣使

來辛丑旌表棣州民邢釗門閭

干戈之世王道息而礼義

亡民猶有自知孝悌而時君旌表猶有勸民之意故兩善而書之

十二月甲寅朔除

鐵禁初稅農具錢

至今因之故書

己未西涼府遣使者

來己巳回鶻使安求思來辛未渤海使文成角

來党項寇方渠

三年春正月庚子契丹使拽骨來己酉渤海回
鶻皆遣使者來二月己卯靜難軍節度使藥彥
稠及党項戰于牛兒谷敗之三月甲申契丹遣
使者來夏四月庚申新羅遣使者來五月己丑
二王後詹事司直楊延紹襲封鄴國公丙午孟
知祥攻董璋陷綿州六月甲寅封王建爲高麗
國王太義軍使孟知祥殺董璋陷東川達靼首
領頡哥以其族來附秋八月己卯吐蕃遣使者
來冬十月庚申幸石敬瑭第

四年春正月庚寅端明殿學士兵部侍郎劉煦

爲中書侍郎同中書門下平章事二月戊午孟

知祥使朱滉來

十国外而不書此書者知祥本唐臣而反至此改過自歸絕之則嫌不許

其自新錄之則尚冀其遷善然其來也臣礼不備故如夷狄書之

三月甲辰追冊晉

國夫人夏氏爲皇后夏五月戊寅封子從珂爲

潞王

從珂非子而書子與梁博王友文同

從女許王姪從溫充王從

璋洋王從敏涇王丙戌契丹使述骨卿來秋七

月乙未回鶻都督李末來獻白鶻命放之八月

戊申大赦九月戊戌趙延壽罷山南東道節度

使朱弘昭爲樞密使冬十月庚申范延光罷三

司使馮贇爲樞密使壬申幸士和亭得疾

書得疾爲

從榮事

詳之

十一月壬辰秦王從榮以兵入興聖宮

不克伏誅

君病不侍疾以兵求立罪當誅故書伏誅其意以謂帝崩矣懼不得立而幸兵自助

非反故不書反

乙未侍衛親軍都指揮使康義誠殺三

司使孫岳戊戌皇帝崩于雍和殿

年六十七清泰元年葬河

南洛陽縣號徽陵雖得其死而爲賊所葬故亦不書葬

嗚呼自古治世少而亂世多三代之王有天下

者皆數百年其可道者數君而已況於後世邪

況於五代邪予聞長老爲予言明宗雖出夷狄

而爲人純質寬仁愛人於五代之君有足稱也


嘗夜焚香仰天而祝曰臣本蕃人豈足治天下

世亂久矣願天早生聖人自初即位減罷宮人
伶官廢內藏庫四方所上物悉歸之有司廣壽
殿火災有司理之請加丹雘喟然歎曰天以火
戒我豈宜增以侈邪歲嘗旱已而雪暴坐庭中
詔武德司宮中無掃雪曰此天所以賜我也數
問宰相馮道等民間疾苦聞道等言穀帛賤
民無疾疫則欣然曰吾何以堪之當與公等作
好事以報上天更有犯贓輒寘之死曰此民之
蠹也以詔書寢廉吏孫岳等以風示天下其愛
人恤物蓋亦有意於治矣其即位時春秋已高

不邇聲色不樂遊畋在位七年於五代之君最
爲長世兵革粗息年屢豐稔生民實賴以休息
然夷狄性果仁而不明屢以非辜誅殺臣下至
於從榮父子之間不能慮患爲防而變起倉卒
卒陷之以大惡帝亦由此飲恨而終當是時大
理少卿康澄上䟽言時事其言曰爲國者有不
足懼者五深可畏者六三辰失行不足懼天象
變見不足懼小人訛言不足懼山崩川竭不足
懼水旱蟲蝗不足懼也賢士藏匿深可畏四民
遷業深可畏上下相徇深可畏廉恥道消深可

畏毀譽亂真深可畏直言不聞深可畏也識者
皆多澄言切中時病若從榮之變任園安重誨
等之死可謂上下相徇而毀譽亂真之敝矣然
澄之言豈止一時之病凡爲國者可不戒哉

五代史記卷第六



五代史記卷第七

唐本紀第七

愍皇帝明宗第五子從厚也爲人形質豐厚寡
言好禮明宗以其貌類已特愛之天成二年以
檢校司徒拜河南尹判六軍諸衛事加檢校太
保同中書門下平章事從厚妃孔循女也安重
誨怒循以女妻從厚二年罷循樞密使出從厚
爲宣武軍節度使明年徙鎮河東長興元年封從厚
宋王徙鎮成德二年徙鎮天雄累加兼中書令四年
十一月秦王從榮伏誅明宗病甚遣官者王漢瑊召

王于鄴而明宗崩秘其喪六日十二月癸卯朔
發喪于西宮皇帝即位于柩前羣臣見於東階
複于喪位丙午成服于西宮二代五君於此始見
嗣君即位服喪之事
先君得其終嗣君得其始而免禍亂於臣
民於篡亂之世稀見之事也故特詳言之庚戌登光
政門樓存問軍民辛亥殺司衣王氏癸丑始聽
政乙卯殺司儀康氏丁巳馮道爲大行皇帝山
陵使戶部尚書韓彥暉爲副中書舍人王延爲
判官禮部尚書王權爲禮儀使兵部尚書李璘
爲鹵簿使御史中丞龍敏爲儀仗使左僕射權
判河南府盧質爲橋道頓遞使丁卯禪

應順元年春正月壬申朔視朝于廣壽殿

著兆禮也

乙亥契丹使都督沒輅于來戊寅大赦改元用樂回鶻可汗王仁美遣使者來沙州瓜州遣使者來乙未朱弘昭馮贇獻錢助作山陵閏月丙午冊皇太后

不書姓氏不曰冊某人爲太后者母尊不可斥其事自見於傳也

甲

寅冊太妃王氏北京留守石敬瑭獻銀絹助作

山陵二月庚寅視作山陵鳳翔節度使潞王從

珂反辛卯西京留守王忠同爲西面行營都部

署靜難軍節度使藥彥僞爲副三月丙辰恩同

兵潰嚴衛指揮使尹暉羽林指揮使楊思權以

其軍叛降于從珂辛酉殺侍衛親軍都指揮使
朱弘實癸亥河陽三城節度使康義誠為鳳翔
行營都招討使王恩同為副西京副留守劉遂
雍叛降于從珂思同奔歸于京師不克死之丁
卯京城巡檢使安從進叛殺馮質朱弘昭自
殺從進傳其二首于從珂戊辰如衛州不書

有當於廢帝紀
書弒郡王也

廢帝鎮州平山人也本姓王氏其母微賤母魏
氏少寡明宗為騎將過平山掠得之魏氏有子
阿三已十餘歲明宗養以為子名曰從珂及長

狀貌雄偉謹信寡言而驍勇善戰明宗甚愛之
自晉兵戰梁于河上從珂常立戰功莊宗呼其
小字曰阿三不徒與我同年其敢戰亦類我同
光二年爲衛州刺史突騎指揮使戍于石門明
宗討趙在禮自魏反兵而南從珂率戍兵自曲
陽孟縣馳出常山以追明宗明宗之南也兵少得
從珂兵在後而軍聲大振明宗入立拜從珂河中
節度使封潞王是時明宗春秋已高王於諸子
次最長樞密使安重誨患之乃矯詔河中裨將
楊彥溫使圖之王閱馬于黃龍莊彥溫即閉門

拒之王止于虞鄉以聞明宗召王還京師居之
清化里第重誨數請行軍法明宗不聽後重誨
見殺乃起王爲左衛大將軍西京留守長興三
年爲鳳翔節度使王子重吉自明宗時典禁兵
爲控鶴指揮使愍帝即位朱弘昭馮贇用事乃
罷重吉兵職出爲亳州團練使又徙王爲北京
留守不降制書而宣授又以李從璋爲代初安
重誨得罪罷河中以從璋爲代而重誨見殺故
王益自疑遂據城反愍帝遣王思同會諸鎮兵
討之思同戰敗走諸鎮兵皆潰

清泰元年三月丁巳王以兵東庚申次長安西
京副留守劉遂雍叛于唐來降甲子次華州執
藥彥稠丙寅次靈寶河中安彥威陝州康思立
叛于唐來降己巳次陝康義誠叛于唐來降殺
宣徽使孟漢瓊愍帝出居于衛州夏四月壬申
入京師馮道率百官迎王于蔣橋王辭不見入
哭于西宮遂見羣臣道拜王答拜入居于至德
宮癸酉以太后令降天子爲鄂王命王監國乙
亥皇帝即位丙子率河南民財以賞軍丁丑借
民房課五月以賞軍戊寅弑鄂王

義興裁濟
陰王同

慈

州刺史宋令詢死之乙酉大赦改元戊子殺康

義誠及藥彥儔

義誠叛于愍帝罪宜曰誅而廢帝同惡相殺故書曰殺

五

月丙午端明殿學士左諫議大夫韓昭胤爲樞

密使莊宅使劉延朗爲樞密副使庚戌馮道罷

天雄軍節度使范延光爲樞密使甲寅賜勸進

選人宗子官六月庚辰辛范延光及索自通第

秋七月辛亥太常卿盧文紀爲中書侍郎同中

書門下平章事丁巳立沛國夫人劉氏爲皇后

八月辛未尚書左丞姚顗爲中書侍郎同中書

門下平章事許御署官選

御署官疑是廢帝初幸兵時所置之官以其非

吏部正授故須有旨方得選此於事無勸戒九月契
不必書以舊史不詳故存所不知慎傳疑也

冊寇邊冬十月戊寅李惠劉昫罷十一月乙亥
雄武軍節度使張延朗爲中書侍郎同中書門
下平章事契丹寇雲州庚寅辛龍門旱

二年春二月甲戌范延光罷己丑追尊魯國太

夫人魏氏爲皇太后

非嫡母故詳其爵氏

三月辛丑忠武軍

節度使趙延壽爲樞密使夏五月辛卯宣徽南

院使劉延皓爲樞密使契丹寇邊六月癸未羣

臣獻添都馬

都者軍伍之名

秋七月丁酉回鶻可汗王

仁美使其都督陳福海來劉延皓罷九月己酉

刑部尚書房曷爲樞密使乙卯渤海遣使者來
三年春正月乙未百濟遣使者來丁未封子重
美爲雍王三月丙午翰林學士禮部侍郎馬胤
孫爲中書侍郎同中書門下平章事河東節度
使石敬瑭反夏五月乙卯建雄軍節度使張敬
達爲太原四面都招討使義武軍節度使楊光
達爲副戊申先鋒指揮使安審信叛降于石敬
瑭己酉振武戍將安重榮叛降于石敬瑭壬子天
雄軍屯駐捧聖都虞候張令昭逐其節度使劉
延皓六月癸亥以令昭爲右千牛衛將軍權知

天雄軍事

他命官不書以此書以者明令昭猶可以

甲戌宣武軍節度

使范延光爲天雄軍四面招討使秋七月戊申

克魏州壬子張令昭伏誅癸丑彰聖指揮使張

萬迪叛降于石敬瑭八月戊午契丹使梅里來

九月甲辰張敬達及契丹戰于太原敗績契丹

圍敬達于晉安戊申如河陽冬十月壬戌括馬

籍民爲兵十一月戊子盧龍軍節度使趙德鈞

爲行營都統丁酉契丹立晉閏月甲子楊光遠

殺張敬達以其軍叛降于契丹

敬達不書死之而書殺者敬達大將

宜以義責光遠而誅之雖不果而見殺猶爲得死乃諷光遠殺已以叛故書之如其志

甲戌契丹

及晉人至于潞州丁丑至自河陽辛巳皇帝崩
年五十一帝自焚死晉高祖
命葬其燼骨於徽陵域中

嗚呼君臣之際可謂難哉蓋明者慮於未萌而
前知暗者告以將及而不懼故先事而言則雖
忠而不信事至而悔其可及乎重誨區區獨見
潞王之禍而謀之不臧至於殞身赤族其隙自
茲及愍帝之亡也宄於徽陵其土一壠路人見
者皆爲之悲使明宗爲有知其有媿於重誨矣
哀哉

五代史記卷第七

五代史記卷第八

晉本紀

高祖聖文章武明德孝皇帝其父臬揆鷄本出於西夷自朱邪歸唐從朱邪入居陰山其後晉王李克用起於雲朔之間臬揆鷄以善騎射常從晉王征伐有功官至洛州刺史臬揆鷄生敬瑭其姓石氏不知得其姓之始也敬瑭爲人沈厚寡言明宗愛之妻以女是爲永寧公主由是常隸明宗帳下號左射軍莊宗已得魏梁將劉鄩急攻清平莊宗馳救之兵未及陣爲鄩所掩

敬瑭以十餘騎橫梁馳擊取之以旋莊宗拊其背而壯之手唱以縣唱蘇夷狄所重由是名動軍中十五年莊宗戰于胡柳前鋒周德威戰死敬瑭以左射軍從明宗復擊敗梁兵明宗戰胡盧套楊村爲梁兵所敗敬瑭常脫明宗於危趙在禮之亂明宗討之至魏而兵變明宗初欲自歸于天子明已所以不反者敬瑭獻計曰豈有軍變於外上將獨無事者乎且猶豫者兵家大忌不如速行願得騎兵三百先攻汴州夷門天下之要害也得之可以成事明宗然之與之驍

騎三百渡黎陽爲前鋒明宗遂入汴莊宗自洛後至不得入而兵皆潰去莊宗西還明宗以敬瑭爲前鋒趣汜水且收其散卒莊宗遇弒明宗入立拜敬瑭保義軍節度使賜號竭忠建策與復功臣兼六軍諸衛副使在陝爲政以廉聞是時諸侯多不奉法鄧州陶玘亳州李鄴皆以賊汙論死明宗下詔書褒廉吏普州安崇阮洛州張萬進耀州孫岳等以諷天下而以敬瑭爲首天成二年十月從幸汴州爲御營使拜宣武軍節度使侍衛親軍馬步軍都指揮使六軍副使

如故改賜擢忠匡定保節功臣三年四月徙鎮
天雄拜同中書門下平章事興唐尹五月拜駙
馬都尉董璋反東川爲行營都招討使不克而
還復兼六軍諸衛副使徙鎮河陽三城未行而
契丹吐渾突厥皆入寇是時秦王從榮統六軍
敬瑭疑其必及禍不欲爲其副乃自請行及制
出不落副使輒復辭行明宗數責大臣問誰可
行者范延光趙延壽等卒以敬瑭爲請乃拜河
東節度使大同彰國振武威塞等軍蕃漢馬步
軍惣管落六軍副使乃行明年明宗崩愍帝即

位加中書令三月徙鎮成德清泰元年五月復
鎮太原來朝京師潞王從珂反於鳳翔愍帝出
奔遇敬瑭于道敬瑭殺帝從者百餘人幽帝于
衛州而去廢帝即位疑敬瑭必反

天福元年五月徙鎮天平敬瑭果不受命謂其
屬曰先帝受吾太原使老焉今無故而遷是疑
吾反也且太原地險而粟多吾當內擲諸鎮外
求援於契丹可乎桑維翰劉知遠等共以爲然
乃上表論廢帝不當立請立許王從益爲明宗
嗣廢帝下詔削奪敬瑭官爵命張敬達等討

之敬瑭求援於契丹九月契丹耶律德光入自
鴈門與唐兵戰敬瑭大敗敬瑭夜出北門見耶
律德光約爲父子十一月丁酉皇帝即位於薊
帝本
紀書契丹立晉據所見也於此書皇帝即位以自立
爲文原其心也晉高祖之反無契丹之助亦必自立
蓋其志在於爲帝
故使自任其惡也國號晉以幽涿薊檀順瀛漢蔚
朔雲應新媯儒武寰州入于契丹己亥大赦改
元掌書記桑維翰爲翰林學士尚書禮部侍郎
知樞密使事閏月丙寅翰林學士承旨尚書戶
部侍郎趙瑩爲門下侍郎桑維翰爲中書侍郎
同中書門下平章事兼樞密使甲戌趙德鈞及

其子延壽叛于唐來降契丹鏖之以歸己卯次

河陽節度使長從簡叛于唐來降

是日廢帝由在

辛巳

至自太原盧文紀姚顗罷甲申大赦殺張延朗

劉延朗赦房嵩十二月乙酉如河陽追降王從

珂爲庶人

王從珂從晉人本語

丁亥司空馮道兼門下侍

郎同中書門下平章事己丑曹州指揮使石重

立殺其刺史鄭玩辛卯御札求直言癸巳鎮州

牙內都虞候祕瓊逐其節度副使李彥琦同州

裨將門鐸殺其將楊漢賓庚子天平軍節度使

王建立殺其副使李彥質旱

二年春正月癸亥安遠軍節度使盧文進叛降
于吳丁卯天雄軍節度使范延光殺齊州防禦
使祕瓊戊寅兵部侍郎李崧爲中書侍郎同中
書門下平章事樞密使封唐宗室子爲公及隋
鄴公爲二王後以周介公備三恪

唐宗室子史失其名書之以見

二王後三恪猶存不必著其人也

二月丁酉契丹使皇太子解里

來三月庚辰如汴州夏四月丁亥赦囚蠲民租
賦趙瑩使于契丹辛卯宣武軍節度使楊光遠
進助國錢契丹使宦苑使李可興來五月壬戌
御札求直言丁丑追尊祖考爲皇帝妣爲皇后

高祖璟謚曰孝安廟號靖祖祖妣秦氏謚曰孝
安曾祖郴謚曰孝簡廟號肅祖祖妣安氏謚曰
孝簡恭祖昱謚曰孝平廟號睿祖祖妣來氏謚
曰孝平獻考紹雍謚曰孝元廟號獻祖祖妣何氏
謚曰孝元懿六月癸未契丹使夷離畢來天雄
軍節度使范延光反丁酉傳箭于義成軍節度
使符彥饒丁未楊光遠爲魏府四面行營都部
署東都巡檢張從賓反留守判官李遐死之奉
國都指揮使侯益護聖都指揮使杜重威討之
從賓寇河陽殺皇子重乂寇河南殺皇子重信

秋七月從賓陷汜水關殺巡檢使宋廷浩壬子
右衛大將軍尹暉叛奔于吳不克伏誅右監門
衛大將軍婁繼英叛降于張從賓義成軍亂殺
戍將侍衛馬步軍都指揮使白奉進甲寅戍將
奉國指揮使馬萬執符彥饒歸于京師命殺之
于赤岡彥饒雖有縱軍之罪被誣以反而見殺故不書誅曰命殺嫌萬擅殺乙卯楊
光遠爲魏府行營都招討使辛酉杜重威克汜
水關張從賓投河死故不書伏誅壬申楊光遠克博州丙子
安州屯防指揮使王暉殺其節度使周瓌右衛
大將軍李金全討之

金全未至而暉走見殺故不書暉反不書克安州不書伏誅

八月丙申靜難軍節度使安叔千進添都馬乙巳赦非死罪囚及張從賓符彥饒王暉餘黨九月楊光遠進粟冬十月辛巳禁造甲兵

三年春二月戊戌諸鎮皆進物以助國

殘民以獻其上

君臣同欲賄賂公行至此而不勝其多矣故摠言諸鎮此後不復書矣

三月壬戌回鶻

可汗王仁美使程全福來丁丑禁私造銅器秋

七月辛酉以皇業錢作受命寶

作寶不必書皇業錢者私錢也

天子畜私錢故書

八月戊寅馮道及左僕射劉昫爲契丹

冊禮使壬午澶州刺史馮暉降丙戌許御署官

選己丑蠲水旱民稅辛丑歸伶官于契丹

高祖以父

光初延

事契丹其有所求不曰九月己酉赦范延光初延光請與而曰歸者若輸之也降高祖不許延光遂堅壁攻之父不克卒悔而赦之故不書降己未歸靜鞭官劉守威金吾勘契官王殷司天雞叫學生殷暉于契丹于闐使馬繼榮來回鶻使李萬金來已巳赦魏州蠲民稅是月宣徽南院使劉處讓爲樞密使冬十月戊寅契丹使中書令韓頰來奉冊曰英武明義皇帝庚辰升汴州爲東京以洛陽爲西京雍州爲晉昌軍戊子右金吾衛大將軍馬從斌使于契丹己未契丹使梅里來戊戌大赦庚子封李聖天爲大寶于闐國王十一月辛

亥升廣晉府爲鄴都壬戌除鑄錢令十二月丙子封子重貴爲鄭王

四年春正月盜發唐愍皇帝墓

愍帝附于明宗徽陵域中無陵名

故曰墓晉高祖即位追謚爲愍皇帝五代諸帝謚號不可爲法皆不足道惟愍帝宜書者嫌嘗降爲鄂王也而因亡禮闕舊史實錄皆無奏謚上冊月日故雖當書而不得因書而見於此爾辛亥潭州

防禦使張從恩爲樞密副使旌表深州民李自

倫門閭三月乙巳回鶻使其都督拽里數來丙

辰頒調元歷靈州戍將王彥忠以懷遠城反己

未彥忠降供奉官齊延祚殺之夏四月辛巳封

回鶻可汗王仁美爲奉化可汗甲申廢樞密使

秋七月丙辰復禁鑄錢閏月壬申桑維翰罷八月己亥朔河決博平西戎寇涇州彰義軍節度使張彥澤敗之執其首領野離羅蝦獨九月丁丑契丹使粘木孤來癸未封李從益爲鄆國公以奉唐後丙戌高麗王建使其廣評侍郎邢順來冬十二月乙亥立唐高祖太宗莊宗明宗愍帝廟于西京戊子契丹使遙折來吐蕃罷延族來附

五年春正月丁卯朔德音除民公私債己丑回鶻使石海金來夏四月甲子契丹興化王來五

月丙戌安遠軍節度使李金全叛附于唐六月
癸卯李昇遣其將李承裕入于安州金全奔于
唐安遠軍節度使馬全節及承裕戰敗之丁巳
克安州承裕奔于雲夢全節執而殺之秋八月
丁酉閱稼于西郊己未西京留守楊光遠殺太
子太師范延光九月丁卯翰林學士承旨戶部
侍郎和凝爲中書侍郎同中書門下平章事辛
巳閱稼于沙臺冬十月丁未契丹使舍利來十
一月丙子冬至始用二舞

六年春正月戊寅封唐叔虞爲興安王臺駘

爲昌寧公二月戊申傳買宴錢三月除民二年

至四年以前稅

見時欽重而民不堪

夏四月己未契丹使

述括來五月吐渾首領白承福來秋七月壬午

突厥使薛同海來八月壬辰如鄴都開封尹鄭

王重貴留守東京宣徽南院使張從恩東京內

外兵馬都監壬寅大赦甲寅光祿卿張澄使于

契丹九月乙亥前安國軍節度使楊彥詢使于

契丹丁丑吐渾使白可久來河決中都入于沓

河冬十月河決滑濮鄆澶州山南東道節度使

安從進反十一月丁丑西京留守高行周爲南

面軍前都部署以討之十二月丙戌朔鄭王重
貴爲廣晉尹徙封齊王先鋒都指揮使郭海金
及安從進戰于唐州敗之成德軍節度使安重
榮反天平節度使杜重威爲鎮州行營招討使
丙申契丹遣使者來戊戌杜重威及安重榮戰
于宗城敗之

七年春正月丁巳克鎮州安重榮伏誅赦廣晉
庚午契丹使達刺來三月歸德軍節度使安彥
威塞決河于滑州閏月天興蝗食麥夏五月乙
巳尊皇太妃劉氏爲太后

高祖所生母也

六月丙辰吐

渾使念醜漢來乙丑皇帝崩于寶昌殿

年五十一

五代史記卷之八

五代史記卷第九

晉本紀第九

出帝父敬儒高祖兄也爲唐莊宗騎將早卒高祖以其子重貴爲子高祖六子五皆早死而重貴幼故重貴得立重貴少而謹厚善騎射高祖使博士王震教以禮記久之不能通太義謂震曰此非我家事也高祖爲契丹所立謀以一子留守太原契丹使盡出諸子自擇之指重貴曰此眼大者可也遂拜金紫光祿大夫行太原尹北京留守知河東節度事天福二年九月召拜

左金吾衛上將軍三年冬爲開封尹封鄭王加
太尉同中書門下平章事六年高祖幸鄴留守
東京已而爲廣晉尹徙封齊王

七年六月乙丑高祖崩皇帝即位于柩前庚午

使右驍衛將軍石德超以御馬二匹祭于相州

之西山

夷狄之
禮也

如京使李仁鄭使于契丹契丹

使梅李來丙子馮道爲大行皇帝山陵使門下

侍郎竇貞固爲副太常卿崔浚爲禮儀使戶部

侍郎呂琦爲鹵簿使御史中丞王易簡爲儀仗

使

舊史實錄無橋道頓遞使疑
不置或闕書漢高祖亦然

已卯四方館使朱

崇節右金吾衛大將軍梁言使于契丹秋七月

壬辰皇祖母劉氏崩輟視朝三日

高祖所生母也高祖時尊爲皇

太后矣其崩也喪葬不用后礼見恩礼之薄不書曰皇太后者於帝爲祖母也曰崩正其名也

丁酉

使石德超撲馬于相州之西山

前已備見故文省

庚子大

赦甲辰契丹使通事來八月戊午高行周克襄

州

安從進自焚死故不書伏誅

庚申天平軍節度使景延廣義

成軍節度使李守貞彰德軍節度使鄭謹進錢

粟助作山陵甲子契丹使郎五來庚午葬皇祖

母於魏縣癸酉契丹使其客省使張九思來九

月辛丑李守貞爲大行皇帝山陵都部署冬十

月己未契丹使舍利來庚午回鶻遣使者來十

一月契丹使大卿來庚寅葬聖文皇帝武孝皇帝

于顯陵陵在河南壽安縣五代之亂至此七君而不

廢帝時始克葬故皆不書至此始見子得葬其父故并附廟詳書之己亥牛羊使董

穀使于契丹庚子附高祖神主于太廟辛丑獨

高祖靈輿所過民租之半十二月庚午北京留

守劉知遠進百頭穹廬穹廬漢秋之用也契丹于越使

令骨支來辛未又使野里已來丙子于闐使都

督劉再昇來沙州曹元深瓜州曹元忠皆遣使

附再昇以來旱蝗

八年春正月契丹于越使烏多與來二月壬子

景延廣爲御營使己未如東京赦廣晉府囚庚

申次澶州赦囚乙丑至自鄴都庚午寒食望祭

顯陵于南莊焚御衣紙錢

焚衣野祭之類皆閭巷人之事也用之天子見

禮樂壞甚

三月己卯朔趙瑩罷監昌軍節度使桑維翰

爲侍中辛丑引進使太府卿孟承誨使于契丹

蝗夏四月庚午董穀使于契丹供奉官張福率

威順軍捕蝗于陳州五月泰寧軍節度使安審

信捕蝗于中都丁亥追封皇伯敬儒爲宋王癸

卯馮道罷甲辰以旱蝗大赦六月庚戌祭蝗于

臯門癸亥供奉官七人帥奉國軍捕蝗于京畿
辛未括借民粟殺藏粟者秋七月甲午冊皇太
后丁酉射于南莊契丹使梅里等來申辰供奉
官李漢超帥奉國軍捕蝗于京畿八月丁未朔
募民捕蝗易以粟辛亥檢民青苗九月戊寅尊
秦國夫人安氏爲皇太妃丙申辛大年莊及景
延廣第冬十月戊申立馮氏爲皇后馮氏於帝
爲叔母壬
子畋于近郊幸沙臺丙寅契丹使通事劉胤來
庚午括借民粟十一月己卯董穀使于契丹甲
申幸八角閼馬牧乙未契丹使梅里來戊戌齊

州刺史楊承祚奔于青州辛丑高麗使其廣評
侍郎金仁逢來十二月癸丑給事中邊光範登
州刺史郭彥威使于契丹甲寅高麗使太相來
平盧軍節度使楊光遠反淄州刺史翟進宗死
之

開運元年春正月甲戌朔契丹寇滄州己卯陷
貝州庚辰歸德軍節度使高行周爲北面行營
都部署契丹入鴈門寇代州辛巳殿直王班使

于契丹至于鄴都不得進而復

晉自高祖以父事
契丹甚謹而歲時

遣使舊史實錄皆不書至出帝立使者旁午不絕不
可勝數故其官卑者皆畧而不書班以不得進故書

大饑壬午前靜難軍節度使李同留守東京景
延廣爲御營使乙酉北征丙戌契丹寇黎陽辛
卯講武于澶州契丹屯于元城趙延壽寇南樂
甲午劉知遠爲幽州道行營招討使括馬丙申
契丹寇黎陽辛丑劉知遠及契丹偉王戰于秀
容敗之博州刺史周儒叛降于契丹二月戊申
前軍都虞候李守貞及契丹戰于馬家渡敗之
癸丑北面行營都虞候馬全節及契丹戰于北
平敗之三月癸酉及契丹戰于戚城契丹去而戰
兩各傷失收兵徐去晉
不能追故以自去爲文己丑冀州刺史白從暉及

契丹戰于衡水敗之癸巳籍民爲武定軍夏四月契丹陷德州汳河巡檢使梁進敗之取德州甲寅至自澶州赦京師己未馬全節及契丹戰于定豐敗之辛酉率借民財五月戊寅李守貞討楊光遠丁亥鄴都留守張從恩爲貝州行營都部署辛卯李守貞爲青州行營都部署六月克淄州丙午復置樞密使丁未侍中桑維翰爲中書令克樞密使丙辰河決滑州環梁山入于汶濟秋七月辛未朔大赦改元己丑太子太傅劉昫守司空兼門下侍郎同中書門下平章事

八月辛丑朔劉知遠爲北面行營都統順德軍
節度使杜威爲都招討使戊辰旌表陳州項城
民史仁誦門閭九月丙子契丹寇遂城樂壽代
州刺史白文珂及契丹戰于七里烽敗之冬十
月庚戌武寧軍節度使趙在禮爲北面行營副
都統鄴都留守馬全節爲招討使十二月己亥
朔射兔于臯門丁巳楊承勳囚其父光遠以降
殺之

出帝已許其不死既而命李
守貞自殺之故不書伏誅

閏月乙酉德音

赦青州囚契丹寇恒州

二年春正月契丹陷秦州壬子馬全節及契丹

戰于榆林兩軍皆潰戊午幸南莊張從恩留守

東都辛酉高行周爲御營使乙丑北征契丹去

二月己巳幸黎陽橫海軍節度使田武爲東北

面行營都部署以備契丹

曰以備契丹嫌契丹去而命將

丙子大

閱于戚城丙戌閱馬於鐵丘丙申端明殿學士

尚書戶部侍郎馮玉爲戶部尚書樞密使三月

戊戌契丹陷祁州刺史沈斌死之丁未敗于戚

城庚戌馬全節克秦州辛亥易州戌將孫方諫

及契丹諸軍戰于狼山敗之甲寅杜威克滿城

乙卯克遂城庚申杜威及契丹戰于陽城敗之

追奔至于衛村又敗之夏四月戊寅勞旋于戚
城己卯勞旋于王莽河甲申至自澶州赦左右
軍囚庚寅大賞軍功五月丙申朔大赦丙午幸
南莊六月丁卯射于繁臺幸杜威第旱秋八月
甲子朔廢三舞丙寅和凝罷馮玉爲中書侍郎
同中書門下平章事辛未閱馬于茂澤陂丁丑
括馬九月己亥閱馬于萬龍岡幸李守貞第冬
十月丁丑高麗使其廣評侍郎韓玄珪禮賓卿
金廉等來戊寅射虎于硯臺戊子高麗使其兵
部侍郎劉崇珪內軍卿朴藝言來十一月戊戌

封王武爲高麗國王己巳射兔于臯門幸沙臺
十二月丁丑臘敗于郊丁亥乘維翰罷開封尹
趙榮爲中書令李松守侍中樞密使

三年春二月丙子回鶻使突厥陸來壬午射鴨
于板橋幸南莊夏六月孫方諫以狼山叛附于
契丹丙寅契丹寇邊己丑李守貞爲行營都部
署義成軍節度使皇甫遇爲副河決漁池大饑
羣盜起秋七月大雨水河決楊劉朝城武德八
月辛酉河溢歷亭九月河決澶滑懷州辛丑行
營馬軍排陣使張彥澤及契丹戰于新興敗之

癸卯劉知遠及契丹戰于朔州敗之大雨霖河
決臨黃冬十月河決衛州丙寅河決原武辛未
杜威爲北面行營都招討使李守貞爲兵馬都
監十一月永靜軍節度使梁漢璋及契丹戰于
瀛州敗績契丹寇鎮定十二月己未杜威軍于
中渡壬戌奉國都指揮使王清及契丹戰于滹
沱敗績死之戰將歿於陣守將歿於城而不書死者
以其志未可知也或欲走而不得或欲
降而未暇遽以被殺爾若不走不
降而死節明者自書死如清是已杜威李守貞張彥
澤以其軍叛降于契丹庚午射免于沙臺士申
張彥澤犯京師殺開封尹桑維翰契丹滅晉

出帝

雖存而晉則
亡已故書滅

嗚呼余書封子重貴爲鄭王又書追封皇伯敬
儒爲宋王者豈無意哉禮兄弟之子猶子也重
貴書子可矣敬儒出帝父也書曰皇伯者何哉
出帝立不以正而絕其所生也蓋出帝於高祖
得爲子而不得爲後者高祖自有子也方高祖
疾病抱其子重睿寘於馮道懷中而託之出帝
豈得立邪晉之大臣旣違禮廢命而立之以謂
出帝爲高祖子則得立爲敬儒子則不得立於
是深諱其所生而絕之以欺天下爲真高祖子

也禮曰爲人後者爲其父母服使高祖無子出
帝得爲後而立以正則不待絕其所生以爲欺
也故余書曰追封皇伯敬儒爲宋王者以見其
立不以正而滅絕天性臣其父而爵之以欺天
下也

五代史記卷第九

五代史記卷第十

漢本紀第十

高祖睿文聖武昭肅孝皇帝姓劉氏初名知遠其先沙陀部人也其後世居于太原知遠弱不好弄嚴重寡言面紫色目多白睛凜如也與晉高祖俱事明宗爲偏將明宗及梁人戰德勝晉高祖馬甲斷梁兵幾及知遠以所乘馬授之復取高祖馬殿而還高祖德之高祖留守北京知遠爲押衙潞王從珂反愍帝出奔高祖自鎮州朝京師遇愍帝于衛州止傳舍知遠遣勇士石

敢袖鐵槌侍高祖以虜變高祖與愍帝議事未
決左右欲兵之知遠擁高祖入室敢與左右格
鬪而死知遠即率兵盡殺愍帝左右留帝傳舍
而去廢帝入立高祖復鎮河東已而有隙高祖
將舉兵知遠與桑維翰密爲高祖謀畫贊成之
高祖即位於太原以知遠爲侍衛親軍都軍虜寇
領保義軍節度使契丹耶律德光送高祖至潞
州臨決指知遠曰此都軍甚操刺世俗謂勇猛爲
操刺錄其本語
無大故勿弃之天福二年遷侍衛馬步軍都指
揮使領忠武軍節度使已而以杜重威代知遠

領忠武徙知遠領歸德知遠恥與重威同制杜
門不出高祖怒欲罷其兵職宰相趙瑩以爲不
可高祖乃遣端明殿學士和凝就第宣諭知遠
乃受命五年徙鄴都留守九月朝京師高祖幸
其第六年拜河東節度使北京留守七年高祖
崩知遠從高祖起太原有佐命功自出帝立與
契丹絕盟用兵北方常疑知遠勲位已高幸晉
多故而有異志每優尊之拜中書令封太原王
幽州道行營招討使又拜北面行營都統開運
二年四月封北平王三年五月加守太尉然王

未嘗出兵契丹寇瀋州別遣偉王攻鴈門敗之
于秀容八月殺吐渾白承福等族取其貨鉅萬
良馬數千

四年契丹犯京師出帝北遷王遣牙將王峻奉
表契丹耶律德光呼之爲兒賜以木枴虜法
貴之如中國几杖非優大臣不可得峻持枴
歸虜人望之皆避道峻還爲王言契丹必不
能有中國乃議建國二月戊辰河東行軍司馬
張彥威等上牋勸進辛未皇帝即位稱天福十
三年

天福晉高祖年號也天福止八年改元開運至此四年矣漢雖建國而未有國號又稱晉年號

捨開運而追續天福爲十二年初元義理但書其實尔磁州賊首梁暉取相州

來歸

變來降曰來歸哀斯人也時天下无主得其主則往歸之與乎叛于彼而來於此者異矣漢

高祖非有德之君皇皇斯人之无所歸者猶得而歸也故曰歸武節都指揮使史弘

肇取代州殺其刺史王暉晉州將藥可儔殺其

守將駱從朗及括錢使諫議大夫趙熙來歸辛

巳陝州留後趙暉潞州留後王守恩來歸三月

丙戌朔蠲河東雜稅辛卯延州軍亂逐其節度

使周密壬辰丹州指揮使高彥詢以其州來歸

壬寅契丹遊

聞漢起太原畏而去故與自去異其文勝者退避之稱

以其將蕭

翰爲宣武軍節度使守汴州夏四月巳未右都

押衙楊邠爲樞密使蕃漢兵馬都孔目官郭威
權樞密副使契丹陷相州殺梁暉癸亥立魏國
夫人李氏爲皇后甲子河東節度判官蘇逢吉
觀察推官蘇禹珪爲中書侍郎同中書門下平
章事乙丑侍衛親軍步軍都指揮使史弘肇取
潞州戊辰奉國指揮使武行德以河陽來歸史
弘肇取澤州丙子契丹耶律德光卒于欒城契
丹入于鎮州五月甲午太原尹劉崇爲北京留
守丙申如東京蕭翰遜歸于契丹以郇國公李
從益知南朝軍國事戊申次絳州刺史李從朗

來歸六月丙辰次河陽殺李從益及其母于京

師甲子至自太原戊辰改國號漢

高祖初建國无國號蓋其制詔

皆无明文故闕不書然稱天福十二年則國仍號晉可知但无明據故慎於所疑尔此書改國號漢則未改之前宜有所稱此

可以推知也赦罪人蠲民稅于闐遣使者來是

夏劉昫薨秋閏七月乙丑禁造契丹服器天雄

軍節度使杜重威反

杜重威於晉出帝時避出帝名去重至漢而復之

天

平軍節度使高行周爲鄴都行營都部署以討

之庚辰追尊祖考爲皇帝妣爲皇后高祖諡

曰明元廟號文祖祖妣李氏諡曰明貞曾祖昂

諡曰恭僖廟號德祖祖妣楊氏諡曰恭惠祖僕

謚曰昭憲廟號翼祖祖妣李氏謚曰昭穆考興
謚曰章聖廟號顯祖妣安氏謚曰章懿以漢高
皇帝爲高祖光武皇帝爲世祖皆不祧八月護
聖指揮使白再榮逐契丹以鎮州來歸丙申安
國軍節度使薛懷讓殺契丹之將劉鐸入于邢
州九月甲戌吏部尚書竇貞固守司空兼門下
侍郎翰林學士中書舍人李濤爲中書侍郎同
中書門下平章事庚辰北征冬十月甲申次韋
城赦河北十一月壬申杜重威降十二月癸巳
至自鄴都乾祐元年春正月乙卯大赦改元巳

未更名高丁丑皇帝崩于萬歲殿

年五十四

隱帝高祖第二子承祐也高祖即位拜右衛上將軍大內都點檢魏王承訓長而賢高祖愛之方屬以爲嗣承訓薨高祖不豫悲哀疾劇乃以承祐屬諸將相宰相蘇逢吉曰皇子承祐未封王請亟封之未及封而高祖崩祕不發喪殺杜重威

乾祐元年二月辛巳封承祐周王是日皇帝即位于樞前壬辰右衛大將軍鳳翔巡檢使王景崇及蜀人戰于大散關敗之癸巳大赦三月壬

代竇貞固爲大行皇帝山陵使吏部侍郎段希堯爲副太常卿張昭爲禮儀使兵部侍郎盧價爲鹵簿使御史中丞邊蔚爲儀仗使丁丑李濤罷護國軍節度使李守貞反陷潼關夏四月辛巳陝州兵馬都監王玉克潼關壬午永興軍將趙思綰叛附于李守貞客省使王峻帥師屯于關西

峻不命爲將又不令討賊但令以兵實關西下文乃見命將

楊邠爲中書

侍郎兼吏部尚書同中書門下平章事郭威爲樞密使鎮寧軍節度使郭從義爲永興軍兵馬都部署戊子保義軍節度使白文珂爲河中兵

馬都部署河決原武五月己未回鶻遣使者來
乙亥魏州內黃民武進妻一產三男子河決滑
州魚池旱蝗秋七月戊申朔彰德軍節度使王
繼弘殺其判官張易鸚鵡食蝗丙辰禁捕鸚鵡
庚申郭威同中書門下平章事癸亥契丹鄭州
刺史王彥徽來奔庚午殺成德軍副使張鵬乙
亥王景崇叛附于李守貞八月壬午郭威討李
守貞九月丙午面行營都虞候尚弘遷及趙思綰
戰敗績冬十月甲申吐蕃使斯漫篤蘭訛藥斯
來十一月甲寅殺太子太傅李松滅其族壬申

葬睿文聖武昭肅孝皇帝于睿陵

在河南告城縣

十二

月己卯彰武軍節度使高允權殺太子太師致

仕劉景巖

二年

隱帝即位至此宜改元而不改元具周顯德二年注而帝名承祐年各乾祐率國臣民共稱而不改

變當時莫大之失本紀無識者但書其實後世自見也

春正月乙巳朔赦囚二

月丙子蠲民紐配租夏五月李守貞之將周光

邺降乙丑趙思綰降六月辛卯回鶻首領楊彥

珣來西涼府遣使者來蝗秋七月丁巳郭威殺

華州留後趙思綰于京兆甲子克河中

守貞自焚死故

不書八月郭從義殺前永興巡檢喬守溫丙戌

漢本紀十

郭威使來獻俘冬十月契丹寇趙魏羣臣進添
都馬契丹陷內丘己丑郭威及宣徽南院使王
峻伐契丹十一月契丹遜

三年春正月西面行營都部署趙暉克鳳翔

景宗

自焚死故
不書伏誅

丙午郭威進添都馬壬子趙暉獻馘俘

二月甲戌旌表潁州汝陰民趙溫門閭三月己

酉寒食望祭于南御園夏四月壬午郭威以樞

密使為天雄軍節度六月癸卯河決原武秋八

月達輶來附冬十一月丙子殺楊邠及侍衛親

軍都指揮使史弘肇三司使王章皆滅其族郭

威反庚辰義成軍節度使宋延渥叛附于威王

午威犯封丘表靈軍節度使慕容彦超軍于七

里店癸未勞軍于北郊甲申勞軍于劉子陂慕容

容彥超及郭威戰敗績開封尹戾益叛降于威

郭允明反乙酉皇帝崩年二十周廣順元年葬之許州陽翟縣號潁陵為賊

所葬故蘇逢吉自殺漢云太祖始即位而斷自帝崩

不書書漢亡者見帝崩而漢亡矣其太后臨朝相陰公闕立皆

周所假託非誠實所以破其姦故書曰漢亡見周之立遲

也遲而難於自立則猶有自媿之心焉嗚呼人君即位稱元年常事爾古不以爲重也

孔子未修春秋其前固已如此雖暴君民皆主妾

庸之中其記事先後遠近莫不以歲月一二數

之乃理之自然也其謂一爲元亦未嘗有法蓋

古人之語爾

古謂歲之一月亦不云一而曰正月國語言六品曰元間大呂周易列六爻曰

初九夫豈古人言數多不一不獨謂年爲元也

及後世曲學之士始謂孔

子書元年爲春秋大法遂以改元爲重事自漢

以後其名年以建元而止僞紛雜稱號遂多不

勝其紀也五代亂世也其事無法而不合於理

者多矣豈不足道也至其年號乖錯以惑後世

則不可以不明梁太祖以乾化二年遇弒明年

末帝已誅更建顯其鳳曆之號復稱乾化三年

尚爲有說至漢高祖建國黜晉出帝開運四年
 復稱天福十一年者何哉蓋以其愛憎之私爾
 方出帝時漢高祖居太原常憤憤下視晉而晉
 亦陽優禮之幸而未見其隙及契丹滅晉漢未
 嘗有赴難之意出帝已北遷方陽以兵聲言追
 之至土門而還及其即位改元而黜開運之號
 則其用心可知矣蓋其於出帝無復君臣之義
 而幸禍以爲利者其素志也可勝歎哉夫所謂
 有諸中必形於外者其見於是乎

五代史記卷之十

五代史記卷第十一

周本紀第十一

太祖聖神恭肅文武皇帝姓郭氏邢州堯山人也父簡事晉爲順州刺史劉仁恭攻破順州簡見殺子威少孤依潞州人常氏潞州留後李繼韜募勇敢士爲軍卒威年十八以勇力應募爲人負氣好使酒繼韜特奇之威嘗游于市市有屠者常以勇服其市人威酒醉呼屠者使進几割肉割不如法叱之屠者披其腹示之曰爾勇者能殺我乎威即前取刀刺殺之一市皆驚威頗

自如爲吏所執繼韜惜其勇陰縱之使亡已而復召置麾下繼韜叛晉附于梁後莊宗滅梁繼韜誅死其麾下兵悉隸從馬直威以通書等補爲軍吏好讀聞外春秋略知兵法後爲侍衛軍吏漢高祖爲侍衛親軍都震侯尤親愛之後高祖所臨鎮嘗以威從契丹滅晉漢高祖起兵太原即皇帝位拜威樞密副使乾祐元年正月高祖疾大漸以隱帝託威及史弘肇等隱帝即位拜威樞密使是歲三月河中李守貞永興趙思綰鳳翔王景崇相次反隱帝遣白文珂郭從義

常思等分討之久皆無功隱帝謂威曰吾欲煩
公可乎威對曰臣不敢請亦不敢辭惟陛下命
乃加拜威同中書門下平章事使西督諸將威居
軍中延見賓客褰衣博帶及臨陣行營幅巾短
後與士卒無異上所賜予與諸將會射恣其所
取其餘悉以分賜士卒將士皆懽樂威至河中自
柵其城東思柵其南文珂柵其西調五縣丁二
萬人築連壘以護三柵諸將皆謂守貞窮寇破
在旦夕不宜勞人如此威不聽已而守貞數出
兵擊壞連壘威輒補之守貞輒復出擊每出必

有亡失久之城中兵食俱盡威曰可矣乃治攻具爲期日四面攻之破其羅城守貞與妻子自焚死思綰景崇相次降隱帝勞威以玉帶加檢校太師兼侍中威辭曰臣事先帝見功臣多矣未嘗以玉帶賜之因言臣幸得率行伍假漢威靈以破賊者豈特臣之功皆將相之賢有以安朝廷撫內外而饋餉以時故臣得以專事征伐隱帝以威爲賢於是悉召揚郃史弘肇蘇逢吉禹珪竇貞固王章等皆賜以玉帶威乃受威又推功大臣請加爵賞於是加貞固司空逢吉司

徙禹珪邠左右僕射已而又曰此特漢廷親近之臣耳漢諸宗室天下方鎮外暨荆浙湖南皆未及也由是濫賞遍于天下是冬契丹寇邊威以樞密使北伐至魏州契丹遯三年二月師還四月拜威鄴都留守天雄軍節度使仍以樞密使之鎮宰相蘇逢吉以謂樞密使不可以藩鎮兼領與史弘肇等固爭久之卒以樞密使行詔河北諸州皆聽威節度隱帝與李業等謀已殺史弘肇等詔鎮寧軍節度使李弘義殺侍衛步軍指揮使王殷于澶州又詔侍衛馬軍指揮使

郭崇殺威及宣徽使王峻于魏詔書先至澶州
弘義恐事不果反以詔書示殷殷與弘義遣人告
威已而詔殺威峻使者亦馳騎至威匿詔書召
樞密使院吏魏仁浦謀於卧内仁浦勸威反教
威倒用留守印更爲詔書詔威誅諸將校以激
怒之將校皆憤然効用十一月丁丑威遂舉兵
渡河隱帝遣開封尹侯益保大軍節度使張彥
超客省使閻晉卿等率兵拒威又遣内養鷲脫
覘威所嚮鷲脫爲威所得威乃附脫奏請縛李
業等逸軍中隱帝得威奏以示業等業等皆言威

反狀已白乃悉誅威家屬于京師庚辰威至滑
州義成軍節度使宋延渥叛于漢來降壬午犯
封丘甲辰及泰寧軍節度使慕容彥超戰于劉
子陂彥超敗奔于兗州郭允明反弑隱帝于趙
村丙戌威入京師縱火大掠戊子率百官朝太
后于明德門請立嗣君太后下令文武百寮六
軍將校議擇賢明以承大統庚寅威率百官詣
明德門請立武寧軍節度使賀正為嗣遣太師馮
道迎賀正徐州辛卯請太后臨朝聽政以王峻
為樞密使翰林學士尚書兵部侍郎范質為副

使十二月甲午朔威北伐契丹軍于滑州癸丑
至澶州而旋王峻遣郭崇以騎七百逆劉贊于
宋州殺之其將鞏廷美楊溫為贊守徐州戊午
次臯門漢宰相竇貞固蘇禹珪來勸進庚申太
后制以威監國

廣順元年春正月丁卯皇帝即位大赦改元國
號周已巳上漢太后尊號曰昭聖皇太后戊寅
漢劉崇自立于太原

吳蜀諸國自立皆絕而不書此
書與其不屈于周語在十國年

諸論已卯馮道為中書令二月辛丑西州回鶻使
都督來丁未契丹兀欲遣使襲骨支來癸丑寒

食堅祭于蒲池

蒲池佛寺名也

丁巳尚書左丞田敏使

于契丹回鶻使摩尼來二月甲戌武寧軍節度

使王彥超克徐州

韋延美楊溫不書死之語在贊傳

夏四月甲午

立夫人董氏爲德妃五月辛未追尊祖考爲皇帝

妣爲皇后高祖諡曰睿和廟號信祖妣張氏

諡曰睿恭曾祖諡曰明憲廟號僖祖祖妣申

氏諡曰明孝祖諡曰翼順廟號義祖祖妣韓

氏諡曰翼敬考諡曰章肅廟號慶祖妣王氏諡

曰章德六月辛亥范質及戶部侍郎判三司李

穀爲中書侍郎同中書門下平章事實自國好

禹璉罷奏丑范質奏知樞密院事丁巳宣徽北

院使程光毅爲樞密副使秋七月戊寅幸王峻

第八月壬寅契丹來歸趙望之喪冬十月丙午

漢人來討討如有罪漢之攻自晉州云自晉州者

罪人于京師自晉州而入耳攻城十一月王峻及建

雄軍節度使王彥超拒之十二月慕容彥超反

二年春正月甲子侍衛步軍都指揮使曹英爲

兖州行營都部署庚午高麗王昭使其質評侍

郎徐逢來二月庚寅府州防禦使折德振克貴

嵐軍二月丁巳朔寒食望祭于郊戊辰內客省

使鄭仁誨爲樞密副使翟光鄴罷夏五月庚申
東征李穀留守東都鄭仁誨爲大內都點檢癸
亥次曹州赦流罪以下囚乙亥克兗州并起投
不書壬午赦兗州六月乙酉朔幸曲阜祠孔子
伏誅庚子至自兗州秋九月乙丑太僕少卿王演使
于高麗契丹寇邊

三年春正月乙卯麟州刺史楊重訓叛于漢來
附閏月丙戌回鶻使獨呈相溫來二月甲子貶

王峻爲商州司馬三月甲申封榮爲晉王不書

榮於禮不得爲子不書子則當書丙戌鄭仁誨罷已
其本姓又不書者周人所共諱


丑棣州團練使王仁鎬爲右衛大將軍樞密副
使夏六月大雨水秋七月契丹盧臺軍使張藏
英來奔九月吐渾党富達等來冬十月庚申馮
道爲奉迎神主使十一月癸未党項使吳怙磨
五等來十二月戊申四廟神主至自西京迎之
于西郊附于太廟壬申殺天雄軍節度使王殷
乙亥享于太廟

顯德元年春正月丙子朔有事于南郊大赦改
元羣臣上尊號曰聖明文武仁德皇帝戊寅罷
鄴都丙戌鎮寧軍節度使鄭仁誨爲樞密使壬

辰端明殿學士戶部侍郎王溥爲中書侍郎同
中書門下平章事主仁鑄罷是日皇帝崩于滋
德殿

年五十一書是日
連上文嫌无崩日

五代史記卷第十一



五代史記卷第十二

周本紀第十二

世宗睿武孝文皇帝本姓柴氏邢州龍岡人也
柴氏女適太祖是爲聖穆皇后后兄守禮子榮
幼從姑長太祖家以謹厚見愛太祖遂以爲子
太祖後稍貴榮亦壯而器貌英奇善騎射略通
書史黃老性沈重寡言太祖爲漢樞密使榮爲
左監門衛大將軍太祖鎮天雄榮領貴州刺史
天雄軍牙內都指揮使乾祐三年冬周兵起魏
犯京師留榮守魏太祖入立拜澶州刺史鎮寧軍

節度使檢校太傅同中書門下平章事榮素爲
樞密使王峻所忌廣順三年正月來朝不得留
既而峻有罪誅三月拜榮開封尹封晉王是冬
卜以來年正月朔旦有事于南郊而太祖遇疾
不能親朝者久之

顯德元年正月丙子郊僅而成禮即以王判內
外兵馬事壬辰太祖崩祕不發喪丙申發喪皇

帝即位于柩前

於書封晉王正其狀子矣其餘假竊嗣君之禮不待譏貶而可知故

皆無異辭

右監門衛大將軍魏仁浦爲樞密副使二

月庚戌回鶻遣使者來丁卯馮道爲大行皇帝

山陵使太常卿田敏為禮儀使兵部尚書張昭
為國簿使御史中丞張煦為儀仗使開封少尹
權判府事王敏為橋道頓巡使漢人來討攻自

潞州三月辛巳大赦癸未鄭仁誨留守東京乙

酉如潞州以攻漢

不曰伐曲在周不可以大
小為言故用兩相攻為文壬辰

次澤州閱兵于北郊癸巳及劉晏戰于高原敗

之

與其不屈于周不與
其稱帝故書姓名

追及于高平又敗之丁酉

幸潞州己亥侍衛馬軍都指揮使樊愛能步軍

都指揮使何徽伏誅壬寅天雄軍節度使符彥

卿為河東行營都部署夏四月乙卯葬神聖文

武恭肅孝皇帝于嵩陵

在鄭州新鄭縣

汾州防禦使董

希顏叛于漢來附丙辰遼州刺史張漢超叛于

漢來附辛酉取嵐憲州壬戌立衛國夫人符氏

爲皇后取石沁州乙丑馮道薨庚午赦潞州流

罪以下囚如太原忻州監軍李勅殺其刺史趙

臯叛于漢來附五月丙子代州守將鄭處謙叛

于漢來附契丹救漢丁酉回鶻使因難敵略來

符彥卿及契丹戰于忻口敗績先鋒都指揮使

史彥超死之六月乙巳班師乙丑次新鄭遂拜

嵩陵庚午至自太原秋七月庚辰閱稼于南御

莊癸巳樞密院直學士工部侍郎景範爲中書侍郎同中書門下平章事魏仁浦爲樞密使冬十月甲辰殺左羽林大將軍孟漢卿

二年

五代亂世以嗣君即位者五而改元不依古者四梁末帝晉出帝即位踰年宜改元而不改又明年然後改漢隱帝周世宗皆仍稱先帝年号終其世不改而本紀無譏者但書其實自見其失也春

二月御札求直言夏五月辛未宣徽南院使向

訓鳳翔節度使王景伐蜀甲戌大毀佛寺禁民

親無侍養而爲僧尼及私自度者秋九月丙寅

朔頒銅禁閏月癸丑向訓克秦州冬十月辛未

取成州戊寅高麗使王子太相融來取階州十

一月乙未朔李穀爲淮南道行營都部署以伐唐戊申王景克鳳州十二月丙戌鄭仁誨薨

三年春正月增築京城庚子向訓留守東京壬寅南征辛亥侍衛親軍都指揮使李重進及唐人戰于正陽敗之甲寅重進爲淮南道行營都招討使二月丙寅辛下蔡浮橋壬申克滁州甲戌李景來求成不答壬午景使其臣鍾謨來奉表丙戌取揚州辛卯取泰州三月庚子內外馬步軍都頭袁彥爲竹龍都部署是月取光舒常州

書是月見取三州不同日

夏四月常泰州復入于唐五月乙

卯至自淮南赦京師囚六月壬申德音赦淮南

囚秋七月皇后崩楊光舒滁州復入于唐八月

乙丑課民種木及莊九月丙午端明殿學士左

散騎常侍王朴爲尚書戶部侍郎樞密副使冬

十月辛酉葬宣懿皇后于懿陵十一月庚寅廢

諸祠不在祀典者乙巳殺李景之臣孫晟

書殺景臣

而不書晟死蓋已際罪用
誠忠臣則晟之死節自著

四年春正月己丑朔赦非死罪囚二月甲戌王

朴留守東京乙亥南征三月丁未克壽州

不書劉仁

賈降事見死節傳蓋仁賈實不降故書周自克之尔
克者難取之名也壽難取則見仁賈之節著不書死

之者仁瞻自以病死以其
至死守節故列之死節傳

夏四月己巳至自壽州

己卯放降卒八百歸于蜀癸未追冊彭城郡夫

人劉氏爲皇后五月丙申殺密州防禦使侯希

進秋八月乙亥李穀罷王朴爲樞密使癸未蜀

人來歸我濮州刺史胡立冬十月己巳王朴留

守東京三司使張美爲大內都點檢壬申南征

十二月乙卯泗州守將范再遇叛于唐以其州

來降庚申濠州團練使郭廷謂以其州來降

其地而來降者書附再遇廷謂雖以地降既降而不
居其地故不書附而書降廷謂不書叛事見南唐世

家
丁丑取泰州

五年春正月丁亥取海州壬辰取靜海軍丁未

克楚州守將張彥卿鄭昭業死之

自四年十二月辛酉攻之

彥卿等堅守四十餘日乃克之其不走不降可知故予其死本紀書死者十餘人宋令詢及李遐彥鄭昭業皆以事迹不完不能立傳然所貴者死爾本紀著其大節可矣

二月甲寅取雄州

丁卯如揚州癸酉如瓜洲三月壬午朔如泰州

丁亥復如揚州辛卯幸迎鑾已亥克淮南十有

四州以江爲界

井前所得通十四州耳書之見其本志所止

二月辛亥

李景來賓宴四月庚申祔五室神主于新廟壬

申至自淮南回鶻達靺遣使來六月辛未放降

卒四千六百于唐秋七月乙酉水部員外郎韓

彥卿市銅于高麗丁亥頒均田圖九月占城國王釋利因德縵使甫訶散來冬十月丁酉括民租十一月庚戌作通禮正樂十二月丙戌罷州縣課戶俸戶

六年春正月高麗王昭遣使者來辛酉女真使阿辨來三月己酉甘州回鶻來獻玉却之庚申王朴薨丙寅宣徽南院使吳延祚留守東京癸酉停給銅魚甲戌北征是月吳延祚爲左驍衛上將軍樞密使夏四月壬辰取乾寧軍辛丑取益津關以爲霸州癸卯取瓦橋關以爲雄州

廢置不書此書重復中國故地世宗下三關瓦橋益津以建州及見於口關止置寨故舊史實錄皆闕不書遂不見其取得時五月乙巳朔取瀛州復中國故地故不書日今信安軍是也

契丹甲戌至自雄州六月癸未立皇后符氏

符氏無國

將不曰立符氏爲皇后嫌同於不正也蓋其位先定而後娶故書曰立皇后符氏文理宜然無褒貶也

封子宗訓爲梁王宗誼燕國公戊子占城使甫

訶散來已丑范質王溥叅知樞密院事魏仁浦

同中書門下平章事癸巳皇帝崩于滋德殿

三年

九十

恭皇帝世宗第四子宗訓也世宗即位大臣請

封皇子爲王世宗謙抑久之及北取三關遇疾

還京師始封宗訓梁主時年七歲

顯德六年六月癸巳世宗崩甲午皇帝即位于
柩前癸卯范質爲大行皇帝山陵使翰林學士
竇儼爲禮儀使兵部尚書張昭爲鹵簿使御史
中丞邊歸謹爲儀仗使宣徽南院使判開封府
事外居潤爲橋道頓遞使秋七月丁未戶部尚
書李濤爲山陵副使度支郎中盧億爲判官八
月庚寅封弟熙讓爲曹王熙謹紀王熙誨蘄王
壬寅高麗遣使者來九月丙寅左驍衛大將軍
戴交使于高麗冬十一月壬寅葬睿武孝文皇

帝于慶陵

在鄭州管城縣

高麗遣使者來七年春正月

甲辰遜于位

宋興

五代之亡所書不同隨事爲文爾梁亡見唐之速漢亡見周之遼也唐欺天下以討賊周欺天

下以立贊故書梁亡見唐之立速則知其志不在討賊也漢亡見周之立遼則知立贊者僞也唐亡無辭莊宗之弑唐已亡矣而明宗又稱唐愍帝之奔唐又亡矣而廢帝又稱唐其亡也不可以屢書故不書也晉亡曰契丹滅晉明言以深戒周曰遜于位遜順也能順乎天命也

嗚呼五代本紀備矣

備謂喪亂之事無所不有

君臣之際可勝

道哉梁之友珪反唐戕克寧而殺存又從璨則父子骨肉之恩幾何其不絕矣太妃薨而輟朝立劉氏馮氏爲皇后則夫婦之義幾何其不乖

而不至於禽獸矣寒食野祭而焚紙錢居喪改
元而用樂殺馬延及任圜則禮樂刑政幾何其
不壞矣至於賽雷山傳箭而撲馬則中國幾何
其不夷狄矣可謂亂世也歟而世宗區區五六
年間取秦隴平淮右復三關威武之聲震懾夷
夏而方內延儒學文章之士考制度脩通禮定
正樂議刑統其制作之法皆可施於後世其爲
人明達英果論議偉然即位之明年廢天下佛
寺三千三百二十六是時中國乏錢乃詔悉毀
天下銅佛像以鑄錢嘗曰吾聞佛說以身世爲

妄而以利人爲急使其真身尚在苟利於世猶
欲割截況此銅像豈其所惜哉由是羣臣皆不
敢言嘗夜讀書見唐元稹均田圖慨然歎曰此
致治之本也王者之政自此始乃詔頒其圖法
使吏民先習知之期以一歲大均天下之田其
規爲志意豈小哉其伐南唐問宰相李穀以計
策後克淮南出穀疏使學士陶穀爲贊而盛以
錦囊嘗置之坐側其英武之材可謂雄傑及其
虛心聽納用人不疑豈非所謂賢主哉其北取
三關兵不血刃而史家猶譏其輕社稷之重而

僥倖一勝於倉卒殊不知其料彊弱較彼我而
乘迷律之殆得不可失之機此非明於決勝者
孰能至哉誠非史氏之所及也

五代史記卷第十二